

# Perlumbaan kuasa<sup>2</sup> besar burukkan suasana keselamatan<sup>P</sup> di rantau ini

UM 29.11.1982

Oleh: FUAD ABDUL RAHMAN

KEADAAN persekitaran keselamatan di rantau ini dan Timur Tengah tentu sekali sesuai dijadikan garis panduan dan tauladan kepada negara ini agar lebih berwaspada dalam meletakkan strategi pertahanan.

Perlumbaan kuasa-kuasa imperialisme dalam memperlengkapkan diri masing-masing dengan senjata moden (nuklear) lebih memburukkan lagi suasana keselamatan di rantau ini.

Ini jelas dapat dibuktikan dengan perbelanjaan ketenteraan dunia yang meningkat kepada \$450 billion setahun di mana setengah dari jumlah ini melibatkan Russia dan Amerika Syarikat.

Sementara itu penempatan beberapa buah base tentera Amerika di Philipina sudah cukup untuk memberi pengajaran kepada kita untuk berjaga-jaga menghadapi sebarang kemungkinan dari segi keselamatan.

Penempatan yang disengajakan itu akan memudahkan dasar campur tangannya sendiri terhadap negara-negara yang

lemah dan yang mudah dipengaruhi oleh sogokan-sogokan ketenteraan tapi kemudiannya terpedaya oleh kebodohan sendiri setelah yang "memberi" mengharapkan "budinya" dibalas.

Berpunca dari kesedaran inilah Perdana Menteri, Datuk Sri Dr Mahathir Mohamad berkata, negara ini semestinya menguasai ilmu peperangan yang setimpal dengan cara dan alat yang sesuai dengan zaman elektronik dan bukannya semangat berani dan lantang saja.

Apa yang lebih penting ialah kebolehan dan kemampuan kita sendiri dan bukannya bantuan dan pertolongan dari kawan-kawan yang sentiasa berkepentingan.

Langkah bijak kerajaan mengadakan latihan-latihan bersama tentera / polis dengan negara-negara jiran seperti Thailand, Indonesia, New Zealand, Australia dan Singapura dapat mendedahkan anggota-anggota keselamatan kepada taktik-taktik perang

yang lebih bercorak antarabangsa.

Latihan dalam negeri sendiri seperti latihan "Gonzales" memberi faedah kepada anggota keselamatan dalam memperkemaskan teknik peperangan di samping memupuk semangat lebih bersedia walaupun negara ini kini berada dalam suasana aman tenteram.

Kita juga sentiasa mengikut perkembangan latihan termoden di dunia agar tidak ketinggalan begitu jauh ke belakang walaupun pada hakikatnya negara ini lebih kerdil jika dibandingkan dengan kuasa-kuasa besar di dunia.

Penghantaran pegawai-pegawai ke luar negeri untuk menghadiri berbagai bentuk latihan akan menaikkan lagi imej pasukan keselamatan yang dianggap kecil di kalangan kuasa dunia tapi mempunyai tenaga-tenaga mahir melalui latihan-latihan profesional yang mereka jalani.

Kemasukan golongan yang berpengajian tinggi

pula ke dalam pasukan keselamatan walaupun masih rendah dapat memberi sumbangan profesional terutamanya dapat berganding bahu meningkatkan lagi pencapaian kemajuan dari semua segi dalam angkatan tentera.

Sememangnya suasana keselamatan dunia semakin tergugat dengan penggunaan kekuatan tentera dalam politik sendiri dan kuasa-kuasa besar di dunia banyak mengaut untung melalui perniagaan-perniagaan senjata moden.

Ini dapat dilihat dengan wujudnya Kompleks Industri Tentera (MIC), melibatkan kuasa-kuasa agresif imperialisme yang menjalankan kegiatan-kegiatan penjualan alat-alat senjata termoden di dunia termasuk senjata termoden.

Suasana yang berlaku sekarang tidak harus dipandang sepi saja dan hanya dengan laungan dan semangat saja mengatakan kita telah "kuat"